

## آه يا هابيل

آه يا هابيل

وآه.. يامليون هابيل

وكان آدم مش أبونا

وصدر حوا كان عليل

مين اتقتل ومين قتل؟

مين اللي بإيديه العئل

مين اللي دمه... نبت الشوك الطويل

مين اللي جرحه

سال على .... مليون سبيل

وسمنا صرخة أمنا

ازاي .... وفين؟

ياولادي ليه؟

قسوة قلوبكم .. جات منين



والأورده..... بقيت جشع

مهما ارتجع...

الدم عمره ما يتنزح من العروق

ويارييت نفوق

آدم ابونا كلنا...

وحوا شجره تضلنا

يارييت يموت فينا قابيل

يارييت نحب بعضنا

يدفن غرابنا كل خوف جاي مننا

نحلم سوا بزمان مافهشي ولا قابيل

ولا دم سائل واتهدر

ونقول قدر.. لو مات هابيل

....